

山東通志

山東通志

山東通志序

虞書禹貢志之所由昉也
山澤方物壤賦川塗約舉
數言體要已具逮夫周禮
踵事加詳保章氏視分星

山東通志

首卷序

一

職方氏辨邦國地形掌之
司險戶口紀之司民大司
徒以天下土地之圖周知
地域廣輪之數辨其山林
川澤邱陵墳衍原隰之名

物而四方之志則外史有

專屬焉後世圖經志記仿

此而撰大者志九服小者

志一方雖詳畧不同而多

識博聞有裨政治其義一

山東通志

首卷序

二

也昔者列國有史自孔子
脩春秋而筆削褒譏義繫
天子遂不得復以魯名自
後齊記齊乘諸書各抒所
言僅備此邦之掌故山東

之有通志自前明嘉靖朝

始帙簡義畧粗有規模我

國朝正域四方德洽寰宇康

熙甲寅

詔脩大清一統志而山東通志緣

山東通志

首卷序

三

是再輯擴前志什之三四

亦既秩然可觀矣我

世宗憲皇帝御極之七年復

詔增脩一統志及各省通志

濬承

乏二東實襄斯舉爰訪延

名宿次第採釐會東省郡

邑屢有分置疆域既易條

類亦更改訂再三至雍正

乙卯九月方得付梓恭遇

我

山東通志

首卷序

四

皇上紹登大寶布愷綏猷表正

萬邦脩和百度東省地聯

畿輔被化獨先前此黃河清

於單曹慶雲燦於尼泗蒼

麟誕育一見於鉅野再見

於寧陽

世德燕貽夙徵嘉應而悉於是編
志之猗歟盛哉此十載一
時之會也全志三十六卷
有沿有創有訂有增縷晰

山東通志

首卷序

五

條分期於克臻醇備而

濬

於此竊有思焉通志體例

自星野至雜記可以觀天

文察地理飭人官敘物曲

攷之各省大畧相符而較

以山東尤稱特異觀夫巡

方之典首重岱宗崇聖之

儀獨隆

闕里黃河如帶藉保障於金

隄青社維垣靖烟氛於玉

山東通志

首卷序

六

海漕運扼襟喉之要兵防

控水陸之衝政禮所關至

殷至鉅今則遠稽曩制旁

撫遺規敬揚

謨烈之庥式表

顯承之美普聲教於東漸廣

率俾於海隅以之昭示來

茲永永無極直與虞書周

禮輝映後先豈他志之所

得而頡頏者哉

濬

不揣弁

陋謹拜手而爲之序

曁

乾隆元年歲次丙辰三月

中浣

巡撫山東等處地方督理

營田兼理軍務都察院右

副都御史西蜀岳濬謹題



山東通志序

皇帝御極之元年仁深恩溥太和寧叶聲教布濩盈溢天區薄海內外莫不抃舞康衢信勲華之在上而幸生

山東通志

首卷 序

於

聖人之宇惟山左地近

京師股肱環拱膏澤之流被化尤捷有封疆之責者必使全省方土詳悉經緯源

流酌古宜今然後可以廣

宣

至治任綦難且重也歟受

命撫治二東適修輯通志成得

拜手而綴言於簡端欽惟

山東通志

首卷 序

二

世宗憲皇帝以天縱之聖觀文察理學貫天人令天下各纂方輿之書以備採擇非徒爲萬世臣民資博洽也蓋道經法紀所以垂興化致

治之模者皆具於此

敬謹

展全冊而閱之仰

王言之天煥敬觀

國家統一區宇

列聖相承暨訖之廣超越前古重

山東通志

首卷

序

三

熙累洽仰見

貽謀之盡善盡美焉至於聖賢之

域詩書所傳齊魯之風尊

親異治海環於東河帶於

南岳峙於中其廣厲人材

維持民俗資防禦而保清

宴者當有道也鄭樵云州

縣之設有時而更山川之

形千古不易十郡之分因

時制宜按其城池疆域必

山東通志

首卷

序

四

思黑墳白壤水旱何以豫

防賦貞貢錯輸納何以稱

便玉粒所經挽漕何以通

其渠鹽筴所產熬波何以

宜其制竊願吏如龔范士

如曾閔農如其樸厚近古
之風而孝弟力田則邑盡
鄒魯鄉皆鄭公刑措不用
兵革不試爾雅所謂東至
於泰遠而其民仁亶不誣

山東通志

首卷

序

五

哉

敏

是以因其文按其迹

一一警惕於中而蘄有以

仰副巍巍蕩蕩之

聖化也若輿誌之體肇於經史

散著百家或存或闕昔人

雖有撰記而所謂文省於
前事增於後者則於今尤
資以核實傳信其發凡起
例薈萃折衷與執簡懷槩
之所任則已備書茲不復

山東通志

首卷

序

六

贅但就其報政之難且重

者言之以見

敏

職之宜加

勉焉且祈

乙覽之餘

睿鑒精密合爲成書俾九土臣

黎咸知分野辨方皆立政

宜民之要而

皇圖鞏固於萬年不且於斯益

見也哉謹序

崑

乾隆元年歲次丙辰十二

月中浣

巡撫山東等處地方督理

營田兼理軍務兵部右侍

郎兼都察院右副都御史

法敏謹題



山東通志序

聖人運治之本神明變化張弛
翕闔端拱管攝於堂階之
上而心思周流乎四表八
荒之域其潛孚默運者孰

山東通志

首卷序

一

得而見之述之乎若乃治
化之功著於事迹則職方
所掌及四方志乘所載如
學校選舉兵農賦役物土
之宜人情所尚與山川形

勢之莫於下氣候星祲之
見於上者今古未大殊異
而

廟廷之神明所注措承治大吏
所旬宣郡縣守令所綜核

山東通志

首卷序

二

至於物阜民康清和成理
太平之象必於是考見焉
前歲予在館與領一統志
纂修事因得披閱山東新
修通志豪愛其詞事詳明

記載嚴謹蓋總其成者爲

中丞岳公與藩臬三

司諸哲匠也及予叨承

簡命視學此邦星輶載馳涉河

濟翱翔海岱齊魯舊都聲

山東通志

首卷序

三

教文章固予校閱日所專

事者然間以其暇諮諏風

土民情村煙巷語凡載於

志者予一一得之於足之

所履目之所視乃嘆其曲

折周詳盡善盡宜善政善

教周及民隱非但詞事記

載之文爲塗飾觀美而已

矣語云古今不易民而治

今之時建置沿革豈與古

山東通志

首卷序

四

者異用而一時文章學術

隆於黌序休養富庶被於

兵農天冠地履賢才以盛

仁讓以興嘉瑞以應皆我

國家

列聖相承治平化洽逸乎百年而

東土則又車服禮器仁教

信義之坊表方面大臣公

忠體國宣布德化雖小物

細故悉本至誠惻怛之意

所流貫詞事記載人可得

見者特其事迹耳至

廟堂淵穆之源直與昊天無爲

同體幾康之用與四時

心言而咸亨者運治之本

三五以來未有盛於今也

要其所以致此豈偶然哉

乾隆元祀開雕事竣遑

中丞岳公調任江西繼至

者爲少司寇法公建節

來茲二公前後所以誠民

熙載者同揆一意不越此

記載之迹而德威仁意所

洽將使此方獲享治平無

疆之福嗚呼其東土之幸

歟抑亦天下之幸歟

昔

乾隆元年歲次丙辰仲冬

上浣

提督山東等處學政翰林

山東通志

首卷 序

七

院檢討李光燠謹識



山東通志序

治統昭於史文獻徵乎志

志史之流也古者小史掌

邦國之志外史掌四方之

志而志以名閒嘗披覽職

山東通志

首卷 序

一

方所載代有典冊未之或

異者我

國家聲教誕敷海隅日出罔

不率俾幅幘之廣車書之

盛亘古未有

世宗憲皇帝省方問俗

勅修各省通志薈爲一統成書煌

煌巨典哉二東爲左輔要

區聖賢誕跡遐邇視爲鵠

式大中丞岳公奉

山東通志

首卷

二

命維謹

續

等共襄厥事以郡邑更

置分晰纂修越七年剏

告成將獻

闕下

續

得拜手颺言以序之夫

志難於作亦難於述難於

蒐羅更難於核實山左舊

志自前明嘉靖間釐輯而

後至我

朝康熙甲寅重加叅訂維時郡

邑紀乘大都散佚或搜諸

山東通志

首卷

三

名山訪諸故老攷諸斷碑

殘簡拾遺補闕不三載而

報竣今則

列聖相承重熙累洽田疇日闢生

齒日繁其間典禮之崇隆

政事之修舉風俗之改觀
人文之蔚起以及潛德之
幽光物產之蕃育不可勝
紀矧夫蠲賑蠲輸疊

沛湛恩大有類書嘉祥協應當茲

久道化成制作明備之餘
求其不遺不溢信而有徵
岌岌乎難言之矣實忝任
旬宣五載於茲惴惴焉與
諸君子互相砥勵寧覈毋

濫寧樸毋華寧慎毋速寧
爲郭公之闕疑毋蹈劉五
之假借於是稽躔野任土
宇考制度別人物綱舉目

張悉仍其舊哀多益寡各

抒其新爰折衷於 大中
丞焉雖筆削論斷未敢與
董狐倚相邱明遷固輩爭
相頡頏亦庶幾體裁具備
文質得中足資信史之採

擇歟昔唐宣宗命學士韋

澳集天下風土爲一書置

之座隅西門豹治鄴旁搜

宇內之山川周覽四方之

風氣繪圖以進方今

山東通志

首卷序

六

聖天子紹登大寶治益求治人

心風俗時厘

宸衷則斯志也登之

天府不啻幽風入告無逸上陳

豈特潤色皇猷鼓吹休明

已哉是爲序

崑

乾隆元年歲次丙辰仲冬

上浣

山東等處承宣布政使司

山東通志

首卷序

七

布政使鄭禪寶謹識

